



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

Luxemburgi, 1739

XXIX. Moderatio Alternativæ inter Fratres S. Augustini Quitensis Provinciæ
in Indiis Occident.

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)

Claufulæ.

constituti absolvi non possunt ipso facto incurrenda pœna districtius inhibemus, ac præcipimus, & mandamus.

§. 2. Non obstantibus Constitutionibus, & ordinationibus Apostolicis, & d. Ecclesiæ etiam juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque Indultis, & Literis Apostolicis in contrarium præmissorum quomodolibet concessis, confirmatis, & innovatis; quibus omnibus, & singulis illorum tenores præsentibus pro plene, & sufficienter expressis, ac insertis habentes, illis alias in suo robore permanentibus ad præmissorum effectum hac vice dumtaxat specialiter, & expresse derogamus, ceterisque contrariis quibuscumque.

Datum Romæ apud S. Petrum sub Annulo Piscatoris die 7. Januarii 1678. Pontificatus nostri Anno Secundo.

XXIX.

Confirmatur Decretum Prioris Generalis Ordinis Eremitarum S. Augustini, quo ipse moderatus fuit alternativam inter Fratres in Hispania natos, & alios Criollos dictos Provinciae Quitensis in Indiis Occidentalibus.

De hac Alternativa Officiorum vide que notavimus in hujus Pontificis const. 17. que incip. Illius qui.

Dat. 26. Jan. 1678. An. 2.

INNOCENTIUS PAPA XI.

Ad perpetuam rei memoriam.

Series facti paucis hic expositi, sed pluribus in sequenti Decreto.

PRO parte Charissimi in Christo filii Nostri Caroli Hispaniarum Regis Catholici Nobis nuper exponi fecit dilectus filius Nobilis vir Gaspar de Haro, & Guzman Marchio de Carpio ejusdem Caroli Regis apud Nos, & Sedem Apostolicam Orator, quod cum alias venerabilis Frater Nicolaus Oliva Episcopus Cortonen. qui tunc temporis Prioris Generalis Ordinis Fratrum Eremitarum S. Augustini munereungebatur, Alternativam, & æqualitatem, quoad Provincialatus, cæteraque omnia officia Provinciae Quitensis in Indiis Occidentalibus dicti Ordinis inter ejusdem Provinciae Fratres in Hispania natos, & illarum partium indigenas, quos Criollos vulgariter vocant, servari debere statuisset, idque etiam a fel. rec. Clemente Papa X. prædecessore Nostro confirmatum fuisset: verum propter Fratrum Hispanorum in dicta Provincia paucitatem ejusmodi alternativa, & æqualitas quoad omnia Provinciae præfate officia sine gravibus incommodis servari nequiret; idem Nicolaus Episcopus subinde tunc adhuc Prior Generalis Ordinis præfati, vigore facultatis sibi super hoc a Nobis concessæ eandem Alternativam, & æqualitatem, ita moderatus est, ut illa ad Provincialatus, ac Diffinitorium, & Visitatorum Provinciae Quitensis prædictæ officia dumtaxat restricta, & coarctata existat, cum diversis declarationibus, & ordinationibus, prout plenius continetur in illius Literis patentibus desuper emanatis, tenoris, qui sequitur, videlicet.

Decretum Prioris Generalis pro moderatione alternativæ.

Primum alternativa instituta fuerat a Priore Generali de Ghetis.

.Dein confirmata & innovata

§. 1. Magister Frater Nicolaus Oliva Senensis totius Ordinis Eremitarum Sancti Augustini Prior Generalis Provinciae nostræ Quitensis, quam in visceribus gerimus charitatis, religiosæ quieti, ac tranquillitati consulere volentes, alias sub die 19. Junii 1675. Decretum condidimus, quo aliud Reverendissimi Prioris Magistri Hieronymi de Ghetis prædecessoris nostri Decretum die 9. Julii 1625. emanatum, eo quod, aut nunquam in præfata Provincia receptum, aut temporis decursu violatum, oblivionique datum intelleximus, nostra auctoritate confirmavimus, & approbavimus, & innovavimus, iterumque decrevi-

mus, ut non obstante quolibet abusu, aut præfati Decreti inobservantia in futuris in posterum Capitularibus electionibus in eadem Provincia Quitensi servaretur Alternativa, & vicissitudo, itaut in uno quadriennio eligeretur in Provinciam Pater aliquis Hispanus, in altero vero quadriennio eligeretur Pater alterius familiæ, quam Criollos vulgo vocant; Ac insuper cæteris quoque Officiis, scilicet Diffinitorium, Visitatorum, Prioratum &c. æqualitas servaretur inter ipsas duas familias, idque sub eisdem Censuris, pœnis, & Actorum nullitate in prædicto Reverendissimi de Ghetis Decreto taxatis præcipimus. Ut vero recentium hoc nostrum Decretum firmius consisteret, ejusque observantia veluti ad eradicanda omnia in Provincia Quitensi discordiarum germina per necessaria perpetuis futuris temporibus inviolata remaneret petente Eminentissimo, ac Reverendissimo S. R. E. Cardinali Nidhardo Catholici Hispaniarum Regis apud Sanctam Sedem Oratore, fel. rec. Clemens Papa X. auctoritate Apostolica benigne illud cum omnibus, & singulis in eo contentis approbavit, & confirmavit, ac desuper literas in forma Brevis sub die 7. Augusti 1675. expediri mandavit. Verum cum Carolus II. Hispaniarum Rex Catholicus per regias suas literas nobis significare dignatus fuerit, ut præfate Alternativæ moderationem stabiliremus eam ad officia Provincialatus, Diffinitorium, & Visitatorum restringendo; Nos itaque regis nutibus ut par est obtemperare cupientes opportunam ad dictam moderationem, & restrictionem facultatem à Sanctissimo D. N. Innocentio Papa XI. feliciter regnante humiliter postulavimus, quam Nobis concedere dignata est Sanctitas sua per literas in forma Brevis tenoris sequentis, videlicet a tergo.

§. 2. Dilecto filio Nicolao Olivæ Priori Generali Ordinis Fratrum Eremitarum S. Augustini. Intus vero Innocentius Papa XI. Dilecte fili Salutem, & Apostolicam Benedictionem. Exponi Nobis nuper fecisti, quod Tu alias, videlicet ante biennium, vel circiter ad instantiam Charissimi in Christo filii nostri Caroli Hispaniarum Regis Catholici statuisti, ut in Provincia Quitensi tui Ordinis Fratrum Eremitarum S. Augustini in Indiis Occidentalibus observaretur Alternativa inter Fratres in Hispania natos, & illarum partium indigenas, quos Criollos vulgariter vocant, tam quoad Provincialatum, quam quoad æqualitatem in omnibus generaliter aliis Officiis Gubernii dictæ Provinciae, hæcque omnia à fel. record. Clemente Papa X. prædecessore nostro per quasdam suas in simili forma Brevis die 7. Augusti 1675. expeditas literas approbata, & confirmata fuerunt. Cum autem sicut eadem expositio subjungebat prædictus Carolus Rex ex Informationibus, quæ ad ipsum ex partibus prædictis subinde pervenerunt, cognoverit, propter modicum numerum Fratrum Hispanorum, qui in Indiis reperiuntur, vix posse Alternativam, & æqualitatem in omnibus Officiis hujusmodi, quæ ad omnia exercenda Fratres idonei illic non adsint, observari, eaque de causa Tibi nuper significaverit, ut ejusdem Alternativæ moderationem, illiusque ad officia Provincialatus, & Diffinitorium restrictionem ab hac Sancta Sede concedi procuratores, itaut de cætero ad Priorum & reliqua officia non extenderetur: Nobis propterea humiliter supplicari fecisti, ut Tibi de opportuna in præmissis facultate, per quam Religiosis memorati Caroli Regis votis ad conservandam in illis remotis partibus religiosam Disciplinam, atque observantiam laudabiliter tendentibus obsecundare valeas, providere de benignitate Apostolica dignaremur. Nos igitur Te speciali favore gratiæ prosequi volentes, & a quibusvis excommunicationis, suspensionis, & in-

vata fuit a Priore Generali Oliva.

Item ejus innovatio confirmata a Clemente X.

A Carolo II. proposita fuit alternativæ moderatio.

Necessaria facultas petita fuit ab Innoc. XI.

Breve pro hac facultate.

Causa moderationis.

terdicti, aliisque Ecclesiasticis sententiis, censuris, & pœnis a Jure, vel ab homine quavis occasione, vel causa latis, si quibus quomodolibet innodatus existit, ad effectum præsentium tantum consequendum, harum serie absolventes, & absolutum fore censentes, hujusmodi supplicationibus inclinati de voto Fratrum nostrorum S. R. E. Cardinalium negotiis, & Consultationibus Episcoporum, & Regularium præpositis, qui dilectum filium Procuratorem Generalem Ordinis prædicti audiverunt, consilio; Tibi Alternativam a Te statutam ut præfertur, auctoritate nostra Apostolica moderandi, & restringendi itaut deinceps Provincialatus, & Definitorum Provinciæ prædictæ Officia dumtaxat comprehendat quamcumque necessariam, & opportunam facultatem eadem auctoritate tenore præsentium concedimus, & impartimur, salva tamen semper in præmissis auctoritate Congregationis eorundem Cardinalium; non obstantibus prædictis Clementis prædecessoris literis, aliisque Constitutionibus, & Ordinationibus Apostolicis, necnon omnibus, & singulis illis, quæ in eisdem Clementis prædecessoris literis concessa sunt non obstare, cæterisque contrariis quibuscumque. Datum Romæ apud S. Mariam Majorem sub Annulo Piscatoris die 19. Julii 1677. Pontificatus nostri Anno Primo--I. G. Slusius.

Concessa fuit facultas restringendi alternativam ad solos Provinciales, & Definidores.

§. 3. Hac igitur Apostolica auctoritate muniti, ea qua par est in Catholici Regis literas reverentia, partibus insuper videlicet R. P. M. Fr. Francisco Montano Provinciæ Quitensis Procuratore, & R. P. M. Augustino Montedoca ejusdem Provinciæ Alumno semel atque iterum auditis, quinimo eorundem petitionibus Nobis factis in supplici libello propria eorum syngrapha subscripto inclinati, prædictum nostrum Decretum de Alternativa tenore præsentium, & auctoritate, ut supra, necnon de consilio RR. Adm. PP., qui nobis assistunt, moderamus, & restringimus, itaut cæteris ejusdem Clausulis, quæ ad Priorum, & cætera Officia præfatum Decretum extendunt revocatis, & annullatis, easque revocatas, & annullatas esse censentes Alternativam, & æqualitates ad Provincialis, Definitorum, & Visitatorum Officia dumtaxat restringimus, & coarctamus, prout restrictum, & coarctatum esse volumus, & declaramus, non obstantibus quibuscumque.

Juxta quam facultatem Prior Generalis moderatus est illam.

§. 4. Ut autem dissentiones, & lites circa prædicti Decreti observantiam, intelligentiam, & executionem impostero penitus tollantur; per has nostras Decretales literas, & de consilio eorundem RR. Adm. PP., qui Nobis assistunt, declaramus primo, quod Provincialis in immediate futuro Capitulo Provinciali eligatur ex alia partialitate, ac sit Provincialis electus pro currenti quadriennio; Itaut si hic sit Hispanus in Capitulo futuro eligatur Criollus, & e contra si modernus sit Criollus eligatur Hispanus in sequenti Capitulo. Secundo quod si contingat P. Provinciale nondum sui Gubernii tempore expleto ex hac vita decedere, aut aliquo quocumque impedimento ita decineri, ut Provincialatus Officium nequeat personaliter exercere, tunc Provinciæ Rector, qui ad præscriptum Reverendissimi Valvasorii prædecessoris nostri usque ad celebrationem Capituli Provincialis proxime futuri eligi debet, ex eadem eligatur partialitate, ex qua erat Provincialis defunctus, irritam, ac nullam nunc pro tunc declarantes electionem, quæ fieri secus contigerit. Tertio declaramus quod à prædicta Alternativa pro parte eorum, qui in Hispania nati sunt, exclusi intelligentur omnes, & singuli nati in Insulis Canariensibus, necnon omnes, & singuli Lusitani alterius domini a Rege Catholico; qui Canarienses, ac Lusitani, si in Provincia Quitensi Professionem emisierint, vel legitime proflati fuerint, seu in futurum

Modus servandus in hac nova alternativa.

proflari contigerit, potiantur, & gaudeant voce passiva, cæterisque Privilegiis, & prerogativis eodem modo, & sine ulla prorsus differentia, quo ejusdem Provinciæ filii ex natis in Indiis vulgo Criolli potiuntur, & gaudent.

§. 5. Ut vero cuncta in integrum executioni mandentur R. P. Provinciali Provinciæ Quitensis pro eo tempore existenti quo præsentis nostræ literæ eo pervenerint, committimus, & stricte præcipimus in meritum salutaris obedientiæ sub rebellionis nostræ, & privationis vocis activæ, & passivæ per decennium, ac in subsidium sub excommunicationis majoris latæ sententiæ, quam hac una pro trina canonica monitione præmissa in his scriptis licet inviti ferimus, aliisque nostro, & successorum nostrorum arbitrio ipso facto incurrendis pœnis, quatenus nulla obstante, neque admissa supplicatione, appellatione, protestatione, seu reclamatione statim, ac literæ ad manus suas pervenerint, nisi forte antecederet ad earum exhibitionem prædicta Alternativa recepta, & admisa fuerit, ipsem quantum ad se attinet eandem recipiat, & admittat, compellatque Definitorium etiam privatum ad eam recipiendam, & admittendam, & cum effectu faciat, ut immediate futuro Capitulo Provinciali omnino, & in integrum executioni mandetur. Quod si id præstare neglexerit, seu renuerit, vel legitime impeditus nequiverit, in ejus locum Ven. Papa Præsentatos, Fr. Ferdinandum Colorado, & Hyacinthum Moretto ejusdem Provinciæ subrogamus, quibus respectivè, & insolidum tum in spiritualibus, tum in temporalibus auctoritatem, & Jurisdictionem opportunam, & necessariam ad prædictum effectum tenore præsentium concedimus, & impartimur. Præcipimus autem omnibus, & singulis Definitoribus, Visitatoribus, cunctisque ejusdem Provinciæ Patribus, ac Fratribus, & sub pœnis P. Provinciali ut supra in casu renitentia, & negligentia taxatis, ut præsentibus nostris literis omnino obediant, & nec per se, nec per alios directe, vel indirecte impedimento esse audeant, quominus in omnibus, & per omnia suum fortiantur effectum. Datum Romæ in Conventu nostro S. Augustini die 18. Octobris 1677.--Fr. Nicolaus Oliva Prior Generalis Indiarum--Nostris muneris affixo sigillo--Mag. F. Camillus Cavalis Thinenfis Secretarius Ordinis--Registrat. lib. V.

Commissa fuit executio, & observantia hujus decreti Provinciali Quitensi subscrisis pœnis.

Ei renuenti vel impedito alii subrogati fuera.

Præceptum fuit fratribus omnibus Provinciæ, ut decreto parenter.

§. 6. Cum autem scit eadem expositio subjungebat, quo firmiora sint, & servantur exactius illa, quæ Apostolici muniminis præsidio roborantur. Nobis propterea memorati Caroli Regis nomine humiliter supplicatum fuit, ut in præmissis opportune, & ut infra indulgere de benignitate Apostolica dignaremur.

Preces Caroli II. Regis Hispaniarum Pontifici oblata.

§. 7. Nos igitur piis ejusdem Caroli Regis votis hac in re quantum cum Domino possumus, favorabiliter annuere volentes, hujusmodi supplicationibus inclinati, moderationem Alternativæ, & æqualitatis hujusmodi a præfato Nicolao Episcopo tunc Priore Generali factam, ut præfertur, expeditasque desuper illius parentes literas præinfertas, cum omnibus, & singulis in eis contentis, auctoritate Apostolica tenore præsentium confirmamus, & approbamus, illisque inviolabilis Apostolicæ firmitatis robur adjicimus, ac omnes, & singulos Juris, & facti defectus, si qui desuper quomodolibet intervenerint, supplemus.

Confirmatur decretum Prioris Generalis de moderatione alternativæ.

§. 8. Decernentes easdem præsentis literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis ad quos spectat, & pro tempore quandocumque spectabit, inviolabiliter observari; Sicque in præmissis per quoscumque Judices Ordinarios, & Delegatos, etiam causarum Palatii Apostolici Auditores judicari, & definiti debere, ac irritum, & inane si secus super

Clausula.

his a quoquam quavis auctoritate scienter, vel ignoranter contigerit attentari.

§. 9. Non obstantibus præmissis, ac Constitutionibus, & Ordinationibus necnon præfatorum Ordinis, & Provincia; etiam Juramento, confirmatione Apostolica, seu quavis firmitate alia roboratis statutis, & consuetudinibus, privilegiis quoque Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus & singulis illorum tenores præsentibus pro plene, & sufficienter expressis habentes, illis alias in suo robore permanentibus, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud S. Petrum sub Annulo Piscatoris die XXVI. Jan. MDCLXXVIII. Pontificatus nostri Anno Secundo.

Datum Romæ apud Sanctum Petrum die XXX. Januarii MDCLXXVIII. Anno Secundo.

Confirmatur Decretum Capituli S. Petri de Urbe, quo adscripta fuere beneficia Abbatie S. Rufilli Foropompilien. Clericis idoneis ipsius Diocesis.

Pius IV. anno 1564. 12. Kalend. Julii univit mensa Capitulari d. Basilica Vaticana eandem Abbatiam cum exemptione a solutione quindennii.

INNOCENTIUS PAPA XI.

Ad perpetuam rei memoriam.

EXponi Nobis nuper fecerunt dilecti filii Capitulum, & Canonici Basilicæ Principis Apostolorum de Urbe, quod cum quorundam perpetuorum cum cura, & sine cura Beneficiorum Ecclesiasticorum intra limites Jurisdictionis Monasterii Abbatie nuncupati S. Rufilli Terræ Foropompilii nullius Diocesis Provincia; Ravennaten. eidem Basilicæ Apostolica auctoritate perpetuo, ut asseritur, uniti consistentium, dum pro tempore vacant, collatio, cessantibus tamen reservationibus, & affectionibus Apostolicis, canonice spectet ad Capitulum, & Canonicos ipsius Basilicæ pro tempore existentes, qui illa turnatim per hebdomadas conferre consueverunt: ipsi Exponentes die 22. Novembris proxime præteriti Capitulariter Congregati, ut subditorum dicti Monasterii commodis consulere, eosque ad clericalium virtutum, atque ministeriorum studia propositis præmiis incitarent, decreverunt, ut Beneficia hujusmodi impostero per hebdomadarios Clericis Monasterio prædicto, sive illius Jurisdictioni subditis quando reperirentur idonei, exclusis exteris, conferrentur, & alias prout plenius continetur in eorum Decreto Capitulari desuper emanato, tenoris, qui sequitur, videlicet. Fidem facio per præfentes Ego Notarius publicus, & ad curam Archivi Sacrosanctæ Basilicæ Principis Apostolorum de Urbe deputatus infrascriptus qualiter in libro Decretorum Capitularium ejusdem sacrosanctæ Basilicæ fol. 90. inter cætera legitur, ut infra videlicet-- Die 22. Novembris 1677. fuit Capitulum, & interfuerunt RR. DD. Josephus Maria Suarezus Episcopus olim Vafionen. Vicarius, Nestor Rita Archiepiscopus Sebasten., Franciscus Maria Scotus, Thomas Vanninus, Joannes Vincentius Arata, Alexander Cafalius, Ludovicus Lensius, Bonamens de Augustinis, Marius Columna, Michael Angelus Zacharia, Leonardus Marfilius, Julius Riccius, & Marcus Antonius Mariscottus omnes Canonici supradictæ Sacrosanctæ Basilicæ capitulariter congregati decreverunt, quod quæcumque beneficia curata, & non curata vacantia in Abbatia S. Rufilli Foro Pompilien. conferantur impostero per DD. Hebdomadarios illis de eadem Diocesi, quando reperiantur idonei, exclusis exteris, unde idem de Diocesi gaudeant in Clericatu profecisse, & inde servitium Ecclesiæ, & decus Abbatie angeantur. In quorum &c. Dat. hac die 13. Januar. 1678. Ita est Josephus Balduinus Presb. Rom. pub. Apostolica auctoritate Notarius, & ad curam Archivi Secretariæ Basilicæ S. Petri deputatus.

§. 1. Cum autem sicut eadem expositio sub-jungebat, dilectus filius noster Carolus Barberinus S. R. E. Cardinalis Carolus nuncupatus dictæ Basilicæ Archipresbyter non solum Decreto hujusmodi consenserit, sed etiam dictis Exponentibus significaverit gratum sibi fore si etiam ipsius nomine confirmatio ejusdem Decreti a Nobis, & hac Sancta Sede obtineretur: Nobis propterea

XXXI.

Dat. 15. Febr. 1678. An. 2.

Species facti.

Collatio beneficiorum Abbatie S. Rufilli spectat ad Capitulum S. Petri de Urbe.

Causa Decretorum Capitularis.

Decretum, quo statutum fuit, ut beneficia d. abbatie conferrentur per Hebdomadarios Clericis ejus Subditis, si essent idonei.

Preces Archipresbyteri, & Capituli.

ipfi

XXX.

Conceduntur Indulgentiæ singulis utriusque sexus tam Ordinis, quam Confraternitatis Habitibus Servorum Beatæ Mariæ Virginis orationi mentali vacantibus.

INNOCENTIUS PAPA XI.

Ad futuram rei memoriam.

AD ea per quæ animarum Christi fidelium salus procuratur libenter intendimus, & eorundem Christi fidelium devotionem, ut in spiritalibus exercitiis ferventius incumbant, celestium munerum elargitione libenter fovemus, & incitamus.

§. 1. Itaque de Omnipotentis Dei misericordia, ac Beatorum Petri, & Pauli Apostolorum ejus auctoritate confisi, omnibus, & singulis Fratribus, & Monialibus, ac Tertiariis Ordinis Servorum B. Mariæ Virginis, necnon aliis utriusque sexus Christi fidelibus Confratribus, & Confororibus Confraternitatis habitus Sororum ejusdem B. Mariæ Virginis dolorosæ Dei Matris nuncupat. tam hæcenus in Ecclesiis ejusdem Ordinis, seu alibi canonice institutæ, quam in posterum ubilibet institutæ, qui per quadrantem horæ orationi mentali vacaverint, pro qualibet vice centum dies; qui per duos quadrantes continuatos, septem annos de injunctis eis, seu alias quomodolibet debitis pœnitentiis in forma Ecclesiæ consueta relaxamus.

§. 2. Iis vero, qui devotionis hujusmodi per duos quadrantes continuatos, vel saltem per quadrantem horæ singulis diebus, & per totum mensem dabunt operam, & vere pœnitentes, & confessi SSimum Eucharistiæ Sacramentum sumperint, ac pro Christianorum Principum concordia, hæresum extirpatione, ac S. Matris Ecclesiæ exaltatione pias ad Deum preces effuderint, plenariam semel quolibet mense omnium peccatorum suorum Indulgentiam, & remissionem quam per modum suffragii animabus Christi fidelium, quæ Deo in charitate conjunctæ ab hac luce migraverunt applicare possint.

§. 3. Insuper, quod dicti Fratres, & Moniales pro oratione mentali, ad quam ratione eorum Regulæ, & Constitutionum quolibet die tenentur prædictas omnes Indulgentias, & peccatorum remissiones, ac pœnitentiarum relaxationes proportionabiliter lucrari, & consequi possint, & valeant, auctoritate, & tenore prædictis indulgemus, in contrarium facien. non obstantibus quibuscumque. Præsentibus ad septennium tantum valituris.

§. 4. Volumus autem, quod si pro impetratione &c. nullæ sint. Quodque præsentium transcriptis, seu exemplis etiam impressis manu alicujus Notarii publici subscriptis, & sigillo personæ in Ecclesiastica &c. ostensæ.

Conceditur vacantibus Orationi mentali per quadrantem horæ pro qualibet vice Indulgentia centum dierum.

Per dimidium horæ Indulgentia septem annorum.

Singulis diebus continuis per dimidium, vel quadrantem horæ Indulgentia Plenaria semel in Mense, etiam per modum suffragii.

Hæc omnes Indulgentiæ extenduntur ad Fratres, & Moniales Ordinis, qui ex Regulæ, & Constitut. tenentur ad d. Oratione mentalem.

Conceduntur ad septennium.